



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Porphyrius Ep. 26. Februarij.

urn:nbn:de:hbz:466:1-42032

suit, purpuramque purpuræ, coronam coronæ, sceptroque augustius pedum obijcere non dubitavit. Quidquid vel mortuus vivo Leoni Imperatori terrori fuit. Cum enim hic nomine etiam suo crudelior tempa passim, & in his imagines Dei Divorumque vastaret, somniavit TARASII imperio, a nescio quo Michaële se confossum. Et risit forte mortem, cum vigil vivere se vidit; sed die sexto à Michaële Balbo confossum potuit de hinc sine superstitione somniis credere. Ex Surio.

Heu quam lamentanda vices, quando desperati apud homines possidebunt spem divinam, & humani bonis praediti bonis caelestibus fraudabuntur: & hoc facit thesaurus, qui cor hominis aut per eleemosynam levat in celum, aut per avaritiam demerget in terram. S. Pet. Chrys. serm. 22.

S. PORPHYRIVS E P. 26 Februarij.

PORPHYRIVS Hierosolymæ æger quotidie loca sacra cum pedibus non posset, genibus obambulabat, expeditissimam viam ad cælum credens, Christi vestigia. Et fuit cum ad pèdem Calvariae montis triste oculis spectaculum, jucundum tamen animo objectum est, Christus cruci affixus, & ponè felicior è geminis latro. Igitur cum latronis verbis etiam PORPHYRIVS Servatorem compellasset, jussit hic descendere latronem è cruce & opem ægro ferre. Descendit, osculum tulit, manuque peramanter prehensum ad Christum, ut secum itaret, invitavit. Interea properanti obvius ipse in amplexum Servator ruit, jussitque dulce onus crucem suam ferre. Tulit lubens & verò laboris pretium sanitatem abstulit. Proinde sacrissimus Porphyrius, & custodix sanctissime Crucis

Crucis præfectus est. Vtīmō Pontifex Gazæ inaugurate signo crucis pluviam è cælo supplex evocavit. infamem Veneris statuam dejecit, & Manichæam mulierem elinguem reddidit; probavitque hunc in crucem amorem ipsum Numen, quando lapsos in puteum tergeminos pueros salvos parentibus reddidit, & miraculosâ cruce insignitos. Illud ad posteros memorabile, cùm fana Gazæ nobilissima superstitioni paterent, neque demolitionem horum impetrare jam ab Arcadio posset, supplicasse PORPHYRIUM vix nato Theodosio, & cùm hic alieno nutu assensum præbuisset, votorum tandem potitum omnia Deorum templa destruxisse, Deo deinde aliud in Crucis formam ædificasse, & cineri suo, & famæ monumentum. Ex Metaphr.

Memento te et si de nihilo factum, non tamen de nihilo redemptum: sex diebus condidit Deus omnia, & te inter omnia: at vero per totos triginta annos operatus est salutem tuam in medio terra. O quantum laboravit sustinens carnis necessitatem. hostis tentationes! S. Bern. serm. 11. sup. Cant.

S. ATHANASIA. 27. Februario.

ATHANASIA ANDRONICVM suum junximus: injuriam facturi utrique si nunc demum divortium inter eos fecissemus, quos tot miracula junxerunt. Igitur Antiochiae agebant sanctissimi conjuges, opesque, quæ multæ illis erant, cum cælo communes habebant. Trientem primuna miseri, alterum viri religiosi auferebant, ultimus domesticis usibus cedebat. Heredes cùm binos sustulissent, placuit exinde castitati potius, quam liberis operam dare. Interē illos etiam uno die

cœlum